



01
2124
PB:9

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-07/02-34-31603 -9/25
Sarajevo, 13. 06. 2024. godine

SKUPŠTINA KANTONA SARAJEVO

**n/r Elvedina Okerića, Predsjedavajući Skupštine Kantona Sarajevo
-ovdje-**

Zastupnica Jelena Pekić, u skladu sa članom 106. Poslovnika Skupštine Kantona Sarajevo ("Službene novine Kantona Sarajevo" broj 41/12, - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 – Ispravka i 47/24), dana 11. 06. 2025. godine, uputila je zastupničku inicijativu koja nam je dostavljena.

Zastupnička inicijativa:

Da se izradi i donese Pravilnik o nultoj stopi tolerancije za SNUS i nikotinske vrećice u školama u Kantonu Sarajevo.

U obrazloženju zastupničke inicijative, između ostalog, istaknuto je da, citiramo: „Sve veći trend i zloupotreba SNUS-a i nikotinskih vrećica kod školske djece i omladine izazivaju veliku zabrinutost za javno zdravlje u BiH. Svjedoci smo da veliki broj roditelja učenika osnovnih i srednjih škola kao i nastavnika upozorava na masovnost korištenja SNUS-a i nikotinskih vrećica. Njihova zloupotreba prisutna je u školskim sredinama, kako navode nastavnici i pedagozi.“

Odgovor:

Zahvaljujemo se na upućenoj inicijativi. Ministarstvo za odgoj i obrazovanje Kantona Sarajevo (u daljem tekstu Ministarstvo) posebnu pažnju posvećuje aktivnostima usmjerenim na dobrobit naših učenika i uposlenika, kao i prevenciji svih neprihvatljivih oblika ponašanja učenika, uključujući upotrebu duhanskih proizvoda.

Kao što Vam je poznato u Federaciji Bosne i Hercegovine primjenjuje se Zakon o kontroli i ograničenoj upotrebi duhana, duhanskih i ostalih proizvoda za pušenje, kojim je u članu 5. stav (1) propisano da se zabranjuje pušenje u svim zatvorenim javnim prostorima, mjestu rada i u javnom prijevozu. Član 25. navedenog Zakona propisuje sprečavanje pristupa maloljetnim licima duhanskim proizvodima i ostalim proizvodima za pušenje, te navedeni član jasno propisuje i dodatne regulative koje može poduzeti Federalno ministarstvo zdravlja koje je i predlagač Zakona.

Nadalje, u osnovnim i srednjim školama Kantona Sarajevo primjenjuje se Pravilnik o vođenju evidencije o neprihvatljivim oblicima ponašanja i/ili drugim faktorima koji mogu ugroziti najbolji interes učenika i zaštiti učenika („Službene novine Kantona Sarajevo“, broj: 33/24 i 3/25), kao i Pravilnik o provođenju mjera odgojno-obrazovne podrške i stručnog tretmana učenika („Službene novine Kantona Sarajevo“, broj 33/24).

S tim u vezi, ako se uoči određeni indikator sa liste indikatora za rano prepoznavanje faktora rizika i/ili drugih faktora koji mogu ugroziti najbolji interes učenika/učenica i zaštite učenika, stručna služba škole ima obavezu da za učenika izradi Individualni plan podrške (IPP) ili Individualni plan brige (IPB), shodno Pravilniku o provođenju mjera odgojno-obrazovne podrške i stručnog tretmana učenika, kako bi se učeniku osigurala adekvatna odgojno-obrazovna podrška i stručni tretman, te učenik usvojio prosocijalne oblike ponašanja.

Naime, pomenuti Pravilnik sadrži listu indikatora za rano prepoznavanje faktora rizika i/ili drugih faktora koji mogu ugroziti najbolji interes učenika/učenica i zaštite učenika. Jedan od indikatora glasi, citiramo: **„učenik/učenica konzumira alkohol, duhanske proizvode ili narkotike svih vrsta, ostale proizvode za pušenje i proizvode koji izazivaju nikotinsku ovisnost.“**

Nadalje, ovo znači, ako se navedeno ponašanje ponavlja, stručna služba škole u skladu sa članom 75. stav (6) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj 27/24) ima obavezu organizirati multisektorski sastanak u najboljem interesu učenika, a sastanku prisustvuju: roditelji svih uključenih učenika, stručna služba škole, direktor škole, razrednik/razrednici, predstavnik nadležne službe za socijalni rad, predstavnik nadležne policijske uprave, predstavnik nadležnog centra za mentalno zdravlje i predstavnici drugih službi u zajednici, kako bi se učeniku osigurala adekvatna podrška i uz pomoć drugih službi u zajednici spriječila ponovna pojava neprihvatljivog oblika ponašanja i/ili drugih faktora koji mogu ugroziti najbolji interes djeteta.

S poštovanjem,



PO OVLAŠTENJU MINISTRICE
POMOĆNIK MINISTRA

Dostaviti: - Naslovu,
- Arhivi.